

নাম: মো: তানজিল মাহমুদ সুজয়

জন্ম তারিখ: ১৭ জুন, ২০০৫

শহীদ হওয়ার তারিখ: ৫ আগস্ট, ২০২৪

ব্যক্তিগত তথ্য:

পেশা : ছাত্র,

শাহাদাতের স্থান : আশুলিয়া থানার সামনে

শহীদের জীবনী

আশুলিয়ায় মর্মমতের বলি শাহাদাত ,বরণের দিন সকালে,বাবার সাথে শহীদ সুজয়

এর কথোপকথন: বাবা: তানজিল, আজকেতো দেশের অবস্থা ভালো হবে

মনে হচ্ছেনা বাবা।আন্দোলনে না গেলে হয়না?

তানজিল: আকু, ,তুমি আমাকে আন্দোলনে যেতে

বাধা দিওনা প্লিজ।আজ আমরা হেরে গেলে

আমাদের প্রিয় দেশও হেরে যাবে।

শহীদ তানজিল মাহমুদ সুজয় এর জন্ম ব্রাহ্মণবাড়িয়া জেলার নবীনগর উপজেলার বিটঘর গ্রামে।শহীদের পিতা শফিকুল ইসলাম একজন ক্ষুদ্র ব্যবসায়ী।মাতা তাহমিনা আক্তার গৃহিণী।ছেলের পড়ালেখার সুবিধার জন্য বাবা গাজীপুর থাকতেন।ওখানেই ব্যবসা করতেন তিনি।বাবা মায়ের একমাত্র ছেলে সন্তান ছিলেন শহীদ সুজয়।ইসরাত জাহান এনি ও ইসমাত জাহান সৌরিন নামে তার দুইজন ছোট বোন আছে।বোনদের কাছে একমাত্র ভাই হিসেবে খুবই প্রিয় ছিল সে।শহীদ তানজিল মাহমুদ সুজয় ২০১৫ সালে নবীনগর মিরপুর পূর্ব সরকারি প্রাথমিক বিদ্যালয় থেকে পিএসসি পরীক্ষায় অংশগ্রহণ করে জিপিএ-৫ অর্জন করেন।২০১৮ সালে সফিপুর আইডিয়াল পাবলিক স্কুল এন্ড কলেজ থেকে জেএসসি পরীক্ষায় অংশগ্রহণ করে কৃতিত্বপূর্ণ ফলাফল অর্জন করেন।একই স্কুল থেকে ২০২১ সালে ব্যবসায় শিক্ষা বিভাগে অধ্যয়ন করে এসএসসি পরীক্ষায় ৪.৪৪ পেয়ে উত্তীর্ণ হয়ে ভাওয়াল বদরে আলম সরকারি কলেজে ভর্তি হন।সর্বশেষ তিনি বদরে আলম সরকারি কলেজের দ্বাদশ শ্রেণীর ব্যবসায় শিক্ষা বিভাগে অধ্যয়নরত ছিলেন।পরিবারের একমাত্র ছেলে সন্তান হিসেবে তিনি ভবিষ্যতে একজন ব্যাংকার হয়ে পরিবারের স্বপ্ন পূরণ করতে চেয়েছিলেন তিনি।

যেভাবে শহীদ হলেন সুজয়

০৫ আগস্ট ২০২৪ সাল।বাংলাদেশের ইতিহাসে এক মহা বিজয়ের দিন।দীর্ঘ পনেরো বছর জাতির উপর চেপে বসা দেশের সবচেয়ে বড় অজগরের বিদায়ের দিন এটি।এই দিনটি দেশের মানুষের জন্য যেমন আনন্দের তেমন বেদনারও ছিল।স্বৈরাচার মরণ কামড় হিসেবে শহীদ তানজিল মাহমুদ সুজয় এর মত শত শত মেধাবী কিশোর, তরুণদের হত্যা করে পালিয়ে যায় এই দিনে সুজয় প্রতিদিন আন্দোলনে অংশগ্রহণ করতো।সে আনুষ্ঠানিকভাবে মা বাবার কাছ থেকে বিদায় নিয়ে বের হয় এই দিন।বাবার কাছে এই দিনটি তেমন সুখকর মনে হয়নি তাই ছেলেকে আন্দোলনে যেতে বারণ করে।বিদায়ের সময় ছেলের সাথে বাবার কথোপকথনটি ছিল নিম্নরূপ-

বাবা : তানজিল, আজকেতো দেশের অবস্থা ভালো হবে মনে হচ্ছেনা বাবা।আন্দোলনে না গেলে হয়না?

তানজিল : আকু, তুমি আমাকে আন্দোলনে যেতে বাধা দিওনা প্লিজ।আজ আমরা হেরে গেলে আমাদের প্রিয় দেশও হেরে যাবে।

ছেলেকে বিদায় দিয়ে বাবা-মা চিন্তা করতে থাকে কখন কি হয়ে যায় আজকে! দুপুরের পর খবর এলো স্বৈরাচারি হাসিনা পালিয়ে গেছে পদত্যাগ করে।বাবার মনে একটু হলেও প্রশান্তির বাতাস লাগে।যাক, আমার ছেলেরা জিতে গেছে আজকে।ছেলেরা জিতলেতো বাবাবাই জিতে।খুশিতে বাবা ছেলেকে দুপুরের খাবার খাওয়ানোর জন্য ফোন দিলে ফোন বন্ধ পাওয়া যায়।বার বার ফোন দেওয়ার পরও যখন ছেলেকে পাওয়া যাচ্ছিলোনা তখন বাবা তাকে খোঁজার জন্য বেরিয়ে পড়ে।বাইপাইল, গাজীপুরের অলিতে গলিতে হুল্ল হয়ে খোঁজছে বাবা তার একমাত্র ছেলেকে।লোকমুখে শুনতে পেল আশপাশে পুলিশ সাধারণ জনতার উপর উপর্যুপরি গুলি ছুঁড়ছে।বাবার কপালে চিন্তার ভাঁজ পড়তে লাগলো।সন্ধ্যা ঘনিয়ে রাত চলে আসলো।একমাত্র ছেলেকে খেঁজে পাওয়া গেলনা কোথাও।নিরুপায় হয়ে নিকটাতীর্থ এক পুলিশ অফিসারের মাধ্যমে ছেলের মোবাইল এর লোকেশন ট্র্যাক করে দেখলো আশুলিয়া থানার আশপাশে আছে।খুঁজতে খুঁজতে সকাল হয়ে গেল।কাক ডাকা ভায়ে আশুলিয়া থানার সামনে গিয়ে দেখে হাজার হাজার জনতা একটি ভ্যান গাড়িকে ঘিরে রেখেছে।ভ্যান গাড়ির উপর অনেকগুলো লাশ স্তপ করা আছে।পাশে গিয়ে আকাশ ভেঙে পড়লো মাথার উপর।তার একমাত্র ছেলেকে ভ্যান গাড়ির উপর মৃত অবস্থায় আবিষ্কার করলো বাবা।অগ্নিদগ্ধ দেহ।ছোট বোন এনিও বাবার সাথে গিয়েছিল ভাইকে খোঁজতে।ভাইয়ের দগ্ধ চেহারা চিনতে কষ্ট হচ্ছে বোনের।নির্বাক জনতা, নির্বাক এলাকাবাসী, নির্বাক পরিবার।কি অপরাধ ছিল এই ১৯ বছর বয়সী মেধাবী কিশোরের? গুলি করে ক্ষান্ত হয়নি পুলিশ, পোড়ানো হলো কেন তাকে?

সেদিন কি ঘটেছিল আশুলিয়ায়?

স্বৈরাচারি হাসিনার নেতৃত্বাধীন আওয়ামী লীগ সরকারের পতনের পর থেকে বের হয়ে আসতে থাকে আন্দোলন চলাকালীন পুলিশের বর্বরতার একেক ঘটনা।ফাঁস হতে থাকে অডিও, ভিডিও সহ বিভিন্ন প্রমাণ।এসব ঘটনা দেখলে ও শুনলে যে কারো গা শিউরিয়ে উঠবেই।তেমনই একটা ভিডিও সামাজিক যোগাযোগ মাধ্যমে ভাইরাল হয় হাসিনার পতনের প্রায় একমাস পর।ভিডিওটিতে দেখা যায়, একটি ভ্যান গাড়িতে কয়েকটি লাশ পড়ে আছে স্তপ আকারে।দুইজন পুলিশ সদস্য আর একটি লাশ নিচ থেকে ছুড়ে মারলো ভ্যান গাড়ির উপরে।লাশটি ভ্যানের উপরে থাকা অন্যান্য লাশগুলোর উপরে গিয়ে পড়লো ধপ করে।এটি

